



Anna Wangenheim
Demokratit sinnerlugit Inatsisartunut ilaasortaq

§ 37 nr. 161/2021-mi apeqquteqaammut akissut

Asasara Anna Wangenheim

Inatsisartut suleriaasianni § 37 imm. 1 naapertorlugu Naalakkersuisunut apeqquteqarsimavutit. Naalakkersuisut apeqqutit qujassutigaa, taakku ataani uteqqinneqassapput akissuteqarfigineqarlutillu.

17-12-2021
Sags nr. 2021 - 20790
Akt nr. 18583836

Postboks 1160
Tlf: 34 50 00
Fax: 34 55 05
3900 Nuuk

Email: pn@nanog.gl
www.naalakkersuisut.gl

1. Naalakkersuisut suliniutigissallugu pilersaarutigaa, nammineq kissaatingngisaminnik meerartaarsinnaanngitsut meerartaarsinnaannginnerup maani Kalaallit Nunaanni nappaatit akuerineqarnissaa

Akissut:

Naalakkersuisuniit ilisimatitsissutigisinnaavarput aappariinnut nammineq pisuussutigiginagu meerartaarsinnaanngitsunut ikiorserneqarnissaq siunertaralugu neqerooruteqartoq. Naartorusukkaluarluni naartusinnaanngittoqartillugu arnaq angullu peqqinnissaqarfimmiit sukumiisumik misissorneqarnissaat, mannissamik kaanngartitsiniaaneq siunertaralugu hormonitalinnik nakorsaasiinissaq aamma anisuumik ikkussineq (insemination) neqeroorutigineqartarpoq,

2. Naalakkersuisut naatsumik nassuiarsinnaavaat, aappariit meerartaarsinnaanngitsut, nunanut allanut, tassani Danmarkimut, namminneq kissaatingngisaminnik meerartaarsinnaannginnerminnut katsorsartikkiartorsimanersut, tassani pineqarpoq IVF aamma ICD atorlugu katsorsartinnerit?

Akissut:

Ilisimatitsissutigissavara aappariinnut nammineq pisuussutigiginagu meerartaarsinnaanngitsut nunanut allanukarlutik ikiorsertinniartunut nakorsartinniartunut Peqqinnissaqarfimmiit tapiissuteqartoqarneq ajormat.

a. Ukiuni tallimani kingullerni tamatuma ineriartornera eqqarsaatigalugu qanoq ingerlasoqarsimava?

Akissut:

2019-imiilli Rigshospitalimi periarfissiissutigineqartut aningaasaqarniarnikkullu inissisimaneq pequtaalluni Peqqinnissaqarfimmiit IVF- aamma ICSI atorlugit naartulersitsiniartarnermut neqerooruteqartarnek unitsinneqarpoq.

2019-imi siusinnerusukkut qanoq ingerlanneqartarneri nalunaarsuisoqartarnikuuvoq. Matumanerpiarlu takuneqarsinnaanngillat ikiorsiinerit qanoq amerlatigisut ingerlanneqartarsimanersut taamaallaalli takuneqarsinnaapput Rigshospitalimi inaarutaasumik ikiorserneqartut qanoq amerlatigisut. Takuuk ataani nalunaarsuiffik.

2014	2015	2016	2017	2018
8	7	7	5	6

Suliani naammassineqarsimasuni pineqartut makkuupput:

- Arnaq naartulersimalluni meerartaarsimasoq
- Aappariinnit ikiorserneqarniarnissaagaluamik taamaatitsiinnartut
- Aappariit pingasoriarlutik misiliisimasut

b. Aappariit meerartaarsinnaanngitsut agguaqatigiisillugu qanoq akiliisimappat suliaritinnerminni, assersuutigalugu Danmarkimi IVF-mik katsorsartinnermut?

Akissut:

Ikiorsertinnissaq siunertaralugu nunanut allanut nammineq aallartoqarsimatillugu aningaasartuutit qanoq amerlatigisimameri Naalakkersuisunit ilisimaneqarneq ajorput.

3. Aningaasatigut allaffissornikkullu pisortanut kinguneri qanoq issappat, Kalaallit Nunaata meerartaarsinnaannginneq maani Kalaallit Nunaanni nappaatit akuerippagu, taamaasilluni katsorsartinneq peqqissutsimut neqeroorutinut ilaalerluni?

Akissut:

Apeqqut 1-imi akissutigineqartoq takuuk tassani ikiorserneqartarneq pillugu neqeroorutit atuuttut allanneqarsimapput.

4. Peqqinnissaqarfimmut ukiumut qanoq aningaasatigut naleqassava, aappariit meerartaarsinnaanngitsut IVF aamma ICD-mik katsorsartinneqartalissappata?

Akissut:

Naalakkersuisuniit ilisimatitsissutigissavarput Napparsimavissuarmi Danmarkimiittuni IVF- aamma ICSI atortorissaarutit atorlugit ikiorsiinnermut atatillugu angalanermi ineqarnermilu aningaasartuutaasinnaasut 2019-mi qanoq amerlatiginissai missilliorneqareermata. Tassunga tunngatillugu ikiorsertittartussat ukiumut 40-ut missaannik amerlassuseqarnissaat naatsorsuutigineqarpoq. Taamaassappat ukiumut 6.000.000 kr.- it missaat tapiissutigineqartartussaassapput. Qanoq amerlatigisunit neqeroorutip atorneqarnissaa qularineqarmat Peqqinnissaqarfimmiit angalanermut

ikiorserkikiartormermit ineqarnermullu aningaasartuutaajumaartussat qanoq amerlatigissanersut naatsorsoruminaappoq.

Tamatuma saniatigut Kalaallit Peqqissartut Illuat inissaqartitsinera eqqarsaatigineqassaaq.

5. Naalackersuisut nalilerpaat meerartaarsinnaannginnerup nappaatitut akuerineqassappat nappaatinut allanut atorneqalissasoq, nappaatinut Kalaallit Nunaanni Peqqinnissaqarfiup suliarisinnaanngisaanut? Akissut tunngavilersoqquneqarpoq.

Akissut:

Nammineq pisuussutiginaagu meerartaarsinnaannginneq ilungersunartuuvoq taannalu WHO-up nappaatinut immikkoortiterneqartarnerinut ilaavoq. Taammamanuna §37-imi apeqqummi tunngavilersuummi aamma takuneqarsinnaasoq. Tassungalu atatillugu Peqqinnissaqarfiup aningaasaqarniarnikkut sinaakktissai tunngavigalugit politikkkut tulleriarisooqartarnissaa erseqqissaasoqartarnissaa pingaaruteqarpoq. Maannalu ima ippoq pisortatigoortumik nappaatinut akuerisaasunut tamanut Peqqinnissaqarfiup tungaaniit ikiorserkikiartunut tamanut neqeroorusiortitsisinnaasoqarani.

Inussiamersumik inuulluaqqusillunga
Med venlig hilsen


Kirsten Fencker